



Broj: 16-12-16-6025- *J* /22
I. Sarajevo, 01. 11. 2022. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH“, br. 27/04, 63/04, 35/05, 49/09 i 40/12), člana 25. stav (1) tač. f) i g) i člana 70. st. (1), (2), (3) i (6) Zakona o javnim nabavkama („Službeni glasnik BiH“, broj 39/14 i 59/22), člana 9. stav (2) Pravilnika o uslovima i načinu korištenja e-aukcije („Službeni glasnik BiH“, broj 66/16) i Izvještaja o toku i završetku e-aukcije od 20.10.2022. godine, na preporuku Komisije za nabavke za potrebe Državne agencije za istrage i zaštitu u 2022. godinu broj 16-12-16-6025/22 od 01.11.2022. godine, u otvorenom postupku javne nabavke računarske opreme za potrebe Državne agencije za istrage i zaštitu, direktor Državne agencije za istrage i zaštitu, d o n o s i

ODLUKU

o izboru najpovoljnijeg ponuđača u postupku javne nabavke računarske opreme za potrebe Državne agencije za istrage i zaštitu

Član 1.

U postupku javne nabavke računarske opreme za potrebe Državne agencije za istrage i zaštitu (daljem tekstu: Agencija), putem otvorenog postupka za dostavljanje ponuda, korištenjem e-aukcije, na preporuku Komisije za nabavke za potrebe Državne agencije za istrage i zaštitu u 2022. godinu broj 16-12-16-6025/22 od 01.11.2022. godine, ugovor se dodjeljuje za:

- LOT 1 - Nabavka desktop računara, monitora, laptop računara, čitača dokumenata i tableta, ponuđaču „Commerce Engineering d.o.o. Mostar“, ponuda broj 16-12-16-6025-7/22 od 30.09.2022. godine, za ponuđenu cijenu u iznosu od 127.618,00 KM bez uračunatog PDV-a;

- LOT 2 - Nabavka mrežnih, prenosnih i kolor štampača, MFP, 8- portni switch-ova i UPS-ova, ponuđaču „Unibox d.o.o. Sarajevo“, ponuda broj 16-12-16-6025-5/22, za ponuđenu cijenu u iznosu od 55.434,00 KM bez uračunatog PDV-a.

Član 2.

Ova odluka se dostavlja ponuđačima u roku od tri dana, a najkasnije u roku od sedam dana od dana donošenja Odluke, uz istovremeno objavljivanje na internetskoj stranici Agencije.

Član 3.

Za izvršenje ove odluke zadužuje se Sektor za materijalno-finansijske poslove Agencije.

Član 4.

Ova odluka stupa na snagu danom donošenja.

Obrazloženje

Odlukom broj 16-12-16-6025-1/22 od 01.09.2022. godine pokrenut je postupak javne nabavke računarske opreme za potrebe Agencije, procijenjene vrijednosti 179.500,00 KM bez uračunatog PDV-a, za koje je obavještenje o javnoj nabavci objavljeno na Portalu javnih nabavki broj 1161-1-183-3-38/22 od 07.09.2022. godine i Službenom glasniku broj 63/22. Novčana sredstva za realizaciju navedene nabavke obezbijedena su u okviru budžetskih sredstava za 2022. godinu, a na osnovu Zakona o budžetu institucija Bosne i Hercegovine i međunarodnih obaveza Bosne i Hercegovine za 2022. godinu („Službeni glasnik BiH“, broj 42/22). Za navedeni postupak javne nabavke predviđena je e-aukcija, u skladu sa odredbama Pravilnika o uslovima i načinu korištenja e-aukcije („Službeni glasnik BiH“, broj 66/16) (u daljem tekstu: Pravilnik). Predmet javne nabavke podjeljen je na lotove:

- LOT 1 - Nabavka desktop računara, monitora, laptop računara, čitača dokumenata i tableta, procijenjene vrijednosti 127.800,00 KM bez uračunatog PDV-a;

- LOT 2 - Nabavka mrežnih, prenosnih i kolor štampača, MFP, 8- portni switch-eva i UPS-ova, procijenjene vrijednosti 51.700,00 KM bez uračunatog PDV-a.

Obzirom da je tačkom 22. Tenderske dokumentacije navedeno da je rok za dostavljanje ponuda 30.09.2022. godine do 12,00 sati, te da se ponude dostavljaju u zatvorenoj koverti, Komisija je dana 30.09.2022. godine u 13,00 sati izvršila javno otvaranje ponuda prema datumu i vremenu prijema, numerišući kovertu.

Blagovremeno su dostavljene ukupno četiri ponude i to:

R/B	Naziv ponuđača	LOT	Ponuđena cijena bez uračunatog PDV-a
1.	„Uma Muller Group d.o.o. Sarajevo“	LOT 1	127.725,00 KM
		LOT 2	55.605,00 KM
2.	„Unibox d.o.o. Sarajevo“	LOT 1	127.765,00 KM
		LOT 2	55.650,00 KM
3.	„Commerce Engineering d.o.o. Mostar“	LOT 2	55.610,00 KM
4.	„Commerce Engineering d.o.o. Mostar“	LOT 1	127.618,00 KM

Komisija je nakon otvaranja ponuda u smislu člana 63. st. (5) i (6) Zakona o javnim nabavkama („Službeni glasnik BiH“, br. 39/14 i 59/22) (u daljem tekstu: Zakon), sačinila Zapisnik o otvaranju ponuda i isti u roku od tri dana, od dana otvaranja, dostavila ponuđačima. Postupak je dalje nastavljen u smislu pregledanja dokumentacije priložene uz ponude, a u cilju ocjenjivanja ponuđača, te njihove kvalifikovanosti shodno uslovima navedenim u Tenderskoj dokumentaciji.

Komisija je utvrdila da ponuđači „Uma Muller Group d.o.o. Sarajevo“ (LOT 1 i LOT 2), „Unibox d.o.o. Sarajevo“ (LOT 1 i LOT 2) i „Commerce Engineering d.o.o. Mostar“ (LOT 1 i LOT 2), ispunjavaju kvalifikacione uslove u pogledu lične sposobnosti, sposobnosti obavljanja profesionalne djelatnosti, ekonomske i finansijske sposobnosti, kao i formalno-pravne uslove iz Tenderske dokumentacije.

Komisija je od Sektora za operativnu podršku Odsjeka za informatiku, komunikacije i sigurnost informatičkih sistema aktom broj 16-12-16-6025/22 od 11.10.2022. godine, tražila da na osnovu uvida u ponude ponuđača „Uma Muller Group d.o.o. Sarajevo“ (LOT 1 i LOT 2), „Unibox d.o.o. Sarajevo“ (LOT 1 i LOT 2) i „Commerce Engineering d.o.o. Mostar“ (LOT 1 i LOT 2), dostave stručno mišljenje u pogledu ocjene tehničkih uslova postavljenih u Tenderskoj dokumentaciji. Sektor za operativnu podršku Odsjek za informatiku,

komunikacije i sigurnost informatičkih sistema aktom broj 16-10-16-56025/22 od 13.10.2022. godina dostavio je stručno mišljenje, u kojem je navedeno da ponude ponuđača „Uma Muller Group d.o.o. Sarajevo“ (LOT 1 i LOT 2), „Unibox d.o.o. Sarajevo“ (LOT 1 i LOT 2) i „Commerce Engineering d.o.o. Mostar“ (LOT 1 i LOT 2), ispunjavaju tehničke uslove postavljene u Tenderskoj dokumentaciji.

Obzirom da je Tenderskom dokumentacijom za postupak javne nabavke računarske opreme za potrebe Agencije predviđeno provođenje e-aukcije u skladu sa Pravilnikom, da su za navedeni postupak zaprimljene četiri prihvatljive ponude ponuđača „Uma Muller Group d.o.o. Sarajevo“ (LOT 1 i LOT 2), „Unibox d.o.o. Sarajevo“ (LOT 1 i LOT 2) i „Commerce Engineering d.o.o. Mostar“ (LOT 2) i „Commerce Engineering d.o.o. Mostar“ (LOT 1), Komisija je zakazala e-aukciju za LOT 1 za dan 20.10.2022. godine u 12,00 sati u trajanju od 20 minuta i za LOT 2 za dan 20.10.2022. godine u 12,30 sati u trajanju od 20 minuta.

Prema Izvještaju o toku i završetku e-aukcije od 20.10.2022. godine, Komisija je sačinila konačnu rang listu ponuđača koji su učestvovali u postupku e-aukcije za LOT 1, kako slijedi:

R/B	Naziv ponuđača	Ponuđena cijena bez uračunatog PDV-a	Rang
1.	„Commerce Engineering d.o.o. Mostar“	127.618,00 KM	1
2.	„Uma Muller Group d.o.o. Sarajevo“	127.725,00 KM	2
3.	„Unibox d.o.o. Sarajevo“	127.765,00 KM	3

Prema Izvještaju o toku i završetku e-aukcije od 20.10.2022. godine, Komisija je sačinila konačnu rang listu ponuđača koji su učestvovali u postupku e-aukcije za LOT 2, kako slijedi:

R/B	Naziv ponuđača	Ponuđena cijena bez uračunatog PDV-a	Rang
1.	„Unibox d.o.o. Sarajevo“	55.434,00 KM	1
2.	„Uma Muller Group d.o.o. Sarajevo“	55.490,00 KM	2
3.	„Commerce Engineering d.o.o. Mostar“	55.610,00 KM	3

Nakon provedenog postupka e-aukcije, shodno Izvještajima o toku i završetku e-aukcije od 20.10.2022. godine, Komisija je utvrdila da za LOT 1 nije bilo snižavanje cijena ponuda kao kriterij za dodjelu ugovora u rasponu od 0,1% do 10% najniže početne cijene svih ponuda, dok je za LOT 2 bilo snižavanje cijena ponuda kao kriterij za dodjelu ugovora u u rasponu od 0,1% do 10% najniže početne cijene svih ponuda skladu sa članom 8. Pravilnika.

Komisija je nakon sačinjavanja rang liste ocijenjenih ponuda utvrdila da najpovoljnija ponuda ponuđača „Unibox d.o.o. Sarajevo“ za LOT 2 u iznosu od 55.434,00 KM bez uračunatog PDV-a, premašuje procijenjenu vrijednost javne nabavke za 3.734,00 KM bez uračunatog PDV-a (procijenjena vrijednost javne nabavke za LOT 2 iznosi 51.700,00 KM bez uračunatog PDV-a). Komisija je od Sektora za materijalno-finansijske poslove aktom broj 16-12-16-6025/22 od 26.10.2022. godine, tražila mišljenje po pitanju prekoračenja procijenjene vrijednosti nabavke za LOT 2. Sektor za materijalno-finansijske poslove aktom broj 16-12-16-6025/22 od 26.10.2022. godine dostavio je Komisiji mišljenje, u kojem je navedeno da je Agencija procjenu izvršila na bazi cijena u momentu sačinjavanja Plana javnih

nabavki opreme i da je u prethodnom periodu utvrđen rast cijena velikog broja proizvoda, tako i računarske opreme, te da se mogu obezbijediti dodatna sredstva u vrijednosti od 3.734,00 KM bez uračunatog PDV-a (7,18%).

Nakon provedenog postupka ocjenjivanja dostavljenih ponuda, uz stručna mišljenja Sektora za operativnu podršku i Sektora za materijalno-finansijske poslove, Komisija je utvrdila da je ponuda ponuđača „Commerce Engineering d.o.o. Mostar“ ocijenjena kao najpovoljnija ponuda za LOT 1 i da je ponuda ponuđača „Unibox d.o.o. Sarajevo“ ocijenjena kao najpovoljnija ponuda za LOT 2.

Cijeneći naprijed navedeno, prihvaćena je preporuka iz Izvještaja o radu Komisije i odlučeno da se ugovor u postupku javne nabavke računarske opreme za potrebe Agencije dodijeli ponuđaču „Commerce Engineering d.o.o. Mostar“ za LOT 1 i ponuđaču „Unibox d.o.o. Sarajevo“ za LOT 2, kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od 10 dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđačima 3x;
- Sektoru za mat.-fin. poslove;
- a/a.

DIREKTOR
GLAVNI GENERALNI INSPEKTOR POLICIJE

